

Դչի (17 Սեպտ.). Գ սարուճա կախեցին:

Շաբաթի օրս (20 Սեպտ.) պայրամ Տաճկաց:

Միւսի Շաբաթիս (27 Սեպտ.) մեր իշխանքն թապախ բռնեցին էջմիածնայ՝ յինքեանց սահմանեալ եւ զԼոէճէպն ժամարար արարին:

Կիրակի (28 Սեպտ.). Վարագայ Սուրբ Սաչ: Ի յԱստուածածին զնացաք, զի Աստուածատուր վարդապետն Մարտիրոս վարդապետին զաւագան ետուր հայցմամբ Եղիազար վարդապետին. և օրս ի Սուրբ Գէորք յՕրթաքօյն զնացաք: Երեկոյիս Հոռոմք կրկին զնացեալ ի վէզիրն վասն Երուսաղէմայ, և ասեն թէ Առաւօտուս եկէք:

Գչի (30 Սեպտ.) կրկին երթան և ոչ կարեն տալ պատասխանի և արհամարհանօք նախատեալ զնոսս ի գուրս հանեն:

Յաւուրքս վէզիրն էանց զՂարակեօզ քեհեա Մուրատ փաշային առաջի թագաւորին և հրամանաւ թագաւորին զնա սպանեաց:

Գչի Հոկտեմբեր ամիս:

Շաբաթ (4 Հոկտ.). գիշերս Գ սարուճա կախեցին:

Կիրակի օրս (5 Հոկտ.) ի յՈւսկիւտարն զնացաք թէ Վարդապետն կ'եւնէ, և նա զնացեալ էր ի տունն Սանճուն: Գիշերս անդ կացաք մօտ առ տղայս Վարդապետին և Կիրակոս վարդապետին:

Եւ առաւօտուս Բչի (6 Հոկտ.) եկն Վարդապետն ամենայն իշխանօք և բարեկամօք. և մեք ելեալ եկաք աստ ընդ իշխանաց ոմանց ի Ղուճղափուն, եւ անտի Մղտեսին և ես գնացաք ի Մղտեսի Պօղոսեանցն, քանզի զորդին կարգեց յերեկի օրս. և անդ նստեալ մինչ ի հասարակել գիշերոյն, և զնացաք ի տուն:

Եչի (9 Հոկտ.) ելեալ զնաց Եղիազար վարդապետն յՈւսկիւտարոյ՝ վէքիլ արարեալ զնա Երուսաղէմայ և